

ÚRSKURÐUR.

Ár 2012, þriðjudaginn 10. apríl var tekin tekin til úrskurðar kæra Handknattsleiksdeildar Aftureldingar til Dómstóls HSÍ.

Kæra var send með tölvupósti á skrifstofu HSÍ þann 10. apríl s.l. Hún var svohljóðandi:

„Handknattleiksdeild Aftureldingar kt. 460974-0119 leggur fram kæru vegna brots á 32. gr. laga HSÍ um handknattleiksmót.

ÍBV getur ekki verið deildarmeistari 2. fl. 2 deild karla árið 2012 þar sem þeir mættu ekki í leik gegn FH2 í Kaplakrika föstudaginn 25. nóv. 2011 kl. 20:00 og var FH2 dæmdur sigur 10-0. Handknattleiksdeild Aftureldingar telur því 2 fl.2 deild karla Aftureldingu vera deildarmeistara árið 2012.“

Í lögum Handknattleikssambands Íslands er í 36. gr. fjallað um hvernig haga skuli gerð kæru til Dómstóls HSÍ. Þar er í 9 liðum talin upp þau atriði sem koma eiga fram í kærinni. Má þar m.a. nefna nafn og skilríki kæranda og hins kærða auk þess sem sérstaklega er nefnt að í kærinni skuli koma fram greinargóð lýsing á því hvaða kröfur eru gerðar fyrir dómi og helstu röksemdafærslur kæranda.

Í ofangreindri kæru Handknattleiksdeildar Aftureldingar er henni beint til Dómstóls HSÍ án þess að nokkur gagnaðili sé nefndur. Engar kröfur eru settar fram í kærinni en svo virðist sem verið sé að óska eftir álit og / eða túlkun dómstólsins á 32. gr. reglugerðar um handknattleiksmót.

Kæran sem er til umfjöllunar fullnægir ekki þeim skilyrðum sem sett eru í ofangreindri 36. gr. laga HSÍ og er því ekki dómtæk. Málinu ber því að vísa frá Dómstól HSÍ sbr. ákvæði 2. mgr. 37. gr. laga HSÍ.

Samkvæmt 3. mgr. 35. gr. laga HSÍ hefur kærandi möguleika á að skjóta málinu aftur fyrir dómstólinn innan 24 klukkustunda frá birtingu úrskurðar þessa.

Vakin er athygli á 1. mgr. 35. gr. laga HSÍ þar sem kemur fram að kærufrestur til Dómstóls HSÍ sé 24 tímar frá því að hið kærða atvik átti sér stað.

ÚRSKURÐARORÐ:

Kæru Handknattleiksdeildar Aftureldingar er vísað frá Dómstól HSÍ.

Úrskurðinn kvað upp Hulda Rós Rúriksdóttir formaður Dómstóls HSÍ.